

**ՓԻԿԶԻ ՀՐԱՇԱՓԱՌ ԵՎ ՍՈՒՐԲ ՀԱՐՈՒԹՅԱՆ ՏՈՒՆ
ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԲ
ԵՎ ԿԱԹՈՂԻԿՈՍ ՆՈՐԻՆ ՍՈՒՐԲ ՕՆՈՒԹՅՈՒՆ
Տ. Տ. ՎԱԶԳԵՆ Ա ՀԱՅՐԱՊԵՏԻ ԱՆՈՒՆՈՎ
ՍՏԱՅՎԱԾ ՇՆՈՐՀԱՎՈՐԱԿԱՆ ՀԵՌԱԳՐԵՐ
ԵՎ ԳՐՈՒԹՅՈՒՆՆԵՐ**

ԸՈՒՅՐ ԵԿԵՂԵՑԻՆԵՐԻ ՊԵՏԵՐՈՑ

ԱՄԵՆԱՅՆ ՀԱՅՈՑ ԿԱԹՈՂԻԿՈՍ Տ. Տ. ՎԱԶԳԵՆ Ա-ԻՆ

Է Զ Մ Ի Ա Մ Ի Ն

Ձերդ Սրբություն, սիրեցյալ եղբայր ի Քրիստոս.

«Քրիստոս յարեալ ի մեռելոց»:

Ընդունեցե՛ք իմ եղբայրական սիրո, ուրախության և խաղաղության համ-
բույր: Տիրոջ ուրախությունը բոլոր հեցուկ լինի Ձեզ և նորոգի Ձեր հոգին:
Բոլոր հարուցյալ Տերը՝ եղջանիկ կյանքի իսկական աղբյուրը՝ պահպանի և նո-
րոգի Ձեր կյանքը: Բոլոր առատորեն Նրա աստվածային զորությունը տարածվի
Ձեր հովվության ներքև գտնվող հոգիների վրա:

Եղբայրական սիրով Ձերդ Սրբության ի Քրիստոս անձնվե՛ր՝

Ա Լ Ե Ք Ս Ի

ՊԱՏՐԻԱՐԲ ՄՈՍԿՎԱՅԻ ԵՎ ՀԱՄԱՅՆ ՌՈՒՍԻԱ

ՄՈՍԿՎԱ

Ձերդ Սրբություն.

Եղբայրական սիրով շնորհավորում եմ Ձերդ Սրբությանը Հիսուս Քրիս-
տոսի հարության ուրախակի ողջույնով՝ «Քրիստոս յարեալ»: Մեր Ս. Եկեղեցին
Հարության տունն է մեզ այդ ուրախությանը՝ զատկական երգով՝
«Ուրախ լեր Ս. Կոյս, զի Որդիդ, յես երից ատուց, յարեալ ի գերեզմանէ, և
ցնծացէ՛ր որդիք մարդկան»: Մենք ևս ուրախությամբ իրար ողջունում ենք
այդ բերկրանքով, որով և նորոգում ենք մեր հավատը և սիրո փոխադարձ
միությունը:

Ողջագուրելով և համբուրելով Ձերդ Սրբությանը՝ զատկական համբույրով,
ցանկանում եմ Ձեզ և Ձեր Եկեղեցուն ի մեռելոց հարուցյալ Տեր Հիսուս Քրիս-
տոսից՝ առատ ողորմություն և խաղաղություն ամենայն աշխարհի:

Մ Ե Լ Ք Ի Ս Ե Դ Ե Կ Գ

ԿԱԹՈՂԻԿՈՍ-ՊԱՏՐԻԱՐԲ ՀԱՄԱՅՆ ՎՐԱՍՏԱՆԻ

ԹԻՒԼԻՍԻ

Ձերդ Սրբություն, սիրեցյալ եղբայր ի Քրիստոս.

«Գիտեմք եթէ Քրիստոս յարուցեալ է ի մեռելոց, այստե՛նտե ոչ մեռանի,
և մահ նմա ոչ ևս տիրէ» (Հռովմ. 9):

Ցնծալից ալելուիաները, որոնք Զատկվա այս օրերին վերստին հնչում են
ամբողջ Քրիստոնյա աշխարհով մեկ, ցույց են տալիս ի Քրիստոս հավատաց-
յալ մարդկանց միությունը իր հարության բերկրանքի մեջ: Մեր փրկության
այս մեծ տոնախմբության առթիվ, Ձեզ հղվում եմ, սիրեցյալ եղբայր, իմ ջեր-
մագին շնորհավորությունները այն եղջանիկ գիտակցությամբ, որ մենք միա-
սին մասնակից ենք եղել Նրա հարուցյալ և հավիտենական կյանքին:

«Քրիստոս յարեալ», — հռչակում է մեզի և մահվան վրա տարված մեր
Փրկչի հաղթանակի պատգամը: Դա հավատի հաղթանակն է անհավատու-

բյան դեմ և հույսի հաղթանակը՝ հուսահատության դեմ: Բայց մեզանից դուրս չկա հաղթանակ, որովհետև մենք զբաղեցաք ընդ նմին մկրտութեամբն ի ման, զի որպէս յարեալ Քրիստոս ի մեռելոց փառոյն Հօր, նոյնպէս և մեք ի նորոգումն կենաց շրջեցում: Ձի երբ տնկակից եղաք նմանութեան մահու նորա, այլ և յարութեան նորա լինիցիմք» (Հովմ. 2 4—5):

Տարակուսանքների և անորոշության, փորձությունների և տարակարծութիւնների մեջ մարդկությունը դեռ փրկություն է աղաղակում: Որպէս Քրիստոսի անդամները, որոնք նույնիսկ այժմ բաժանում են հավիտենական կյանքի նրա պարգևը, մեզ է մնում վկայել, որ փրկությունը շահւած է և որ միայն «ի Քրիստոս» է, որ մենք գտնում ենք մեր հույսն ու խաղաղությունը: Եւ աղոթում եմ Ձերդ Սրբության և Ձեր Ս. Եկեղեցու բոլոր անդամների նամար, որպէսզի Դո՛ւք բոլորդ առատորեն մասնակից լինեք մեր Տիրոջ հարուրյան հույսին և հրեմանքին:

Ձեր անկեղծ և սիրող եղբայր ի Քրիստոս,

Ջ Ե Ո Ֆ Ֆ Ի

ԱՐՔԵՊԻՍԿՈՊՈՍ ՔԵՆՏՐԵԲԻԻ, ԵՊԻՍԿՈՊՈՍԱՊԵՏ ԵՎ ՄԻՏՐՈՊՈԼԻՏ ՀԱՄԱՅՆ ԱՆԳԼԻՈ

ԼՈՆԴՈՆ

«Ճշմարտապէս յարեալ Քրիստոս»:

Եղբայրական մեծ սիրով մեր շնորհակալությունն ենք հայտնում այն մաղթանքների համար, որ բարեհաճել էիք մեզ ուղղել Տիրոջ հարութեան լուսափայլ տոնի առթիվ:

Մեր հերթին, մեր սրտի խորհից ցանկանում ենք Ձերդ Սրբության, հայ հոգեւորականության, հավատացյալներին և համայն հայ օրհնյալ ժողովրդին՝ Ձերդ Սրբության հովապետությամբ լիակատար առողջություն, գործոց հաշտություն, ուրախություն և խաղաղություն: Աղոթում ենք առ հարուցյալն Քրիստոս, որ օրհնի իր բոլոր սուրբ եկեղեցիների գործը, որը նվիրւած է խաղաղության հաստատման և աշխարհի բոլոր ազգերի եղբայրացման:

Ի Քրիստոս եղբայրական սիրո ողջագործումով,

Հ Ո Ւ Ս Տ Ի Ն Ի Ա Ն

ՊԱՏՐԻԱՐԿ ՌՈՒՄԻՆԻԱՅԻ

ԲՈՒՆԱՐԵՍ

«Քրիստոս յարեալ ի մեռելոց»:

Գոհունակությամբ և ուրախ սրտով տոնում ենք Տիրոջ մեծ Զատիկը:

Քրիստոսի Հարության տոնին, համայն Ս. Եկեղեցին երգում է «Փառք յարութեան քո, Քրիստոս, Փառք տէրութեան քո, փառք տնօրինութեան քո, մարդասէր Տէր»:

Հարյալ Քրիստոս և փրկեց մեզ մեղքից և մահից: Նրա հարության հավատով, նորոգում ենք մեր հոգիները և ընդունում փրկության շնորհատու պտուղները: Ինչպե՞ս չգոչենք՝ «Օրհնեալ է Աստուած և Հայր Տեառն մերոյ Յիսուսի Քրիստոսի, որ բոլոր բազում ողորմութեան իւրում ծնաւ զմեզ վերստին ի յոյսն կենդանի» (Պետրոս Ա 3):

Հավատա և սիրո այս հանդիսավոր և պայծառ տոնի առթիվ, ողջունում եմ Ձերդ Սրբությանը եղբայրական սրտագին սիրով և հրեշտակային ողջունով՝ «Քրիստոս յարեալ»:

Հարուցյալն ի մեռելոց կենսատու Քրիստոսը բոլոր բաշխի Ձեզ և Ձեր Ս. Եկեղեցուն իր առատ օրհնությունը և բոլոր ամբողջ աշխարհին պարգևի իր աստվածային խաղաղությունը:

Ձերդ Սրբության խորհարհ եղբայր ի Քրիստոս,

ՍՈՖԻԱ

Կ Ի Ր Ի Լ

ՊԱՏՐԻԱՐԿ ԲՈՒՂԱՐԻՍԻ

Ձերդ Սրբություն.
Սրտագին ուրախությամբ կարգացի Ձեր գատկական շնորհավորության գիրը: Շատ շնորհակալ եմ Ձեր եղբայրական շնորհավորանքի և բարի ցանկությունների համար: Բարեհաճեցե՛ք ընդունել իմ շնորհավորանքը մեր Աստուծո՛ւ և Փրկչի՛ Ս. Հարության տոնի առթիվ:

«Քրիստոս յարեալ ի մեռելոց»:
Ամբողջ հոգով, Ձերդ Սրբությամբ և Ձեր եկեղեցուն ցանկանում եմ Աստուծո՛ւ բոլոր բարիքները:

Ամենամեծ հարգանքով և սիրով Ձեր եղբայրն ի Քրիստոս,

ՅԱՆ ԿԻՅՎԻՏ

ԷՍՏՈՆԱԿԱՆ ՍՍՌ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ
ԵԿԵՂԵՑՈՒ ԱՐՔԵՊԻՍԿՈՊՈՍ

ՏԱԼԼԻՆ

Շնորհավորում եմ Ձերդ Սրբության և Ձեր ժողովրդի Ս. Զատիկի պայծառ տոնը: Հարուցյալ Քրիստոսը բոլոր պահապան և հովանավոր լինի սպիտակափառ Արարատի ստորոտում գտնվող Հայկական հին եկեղեցուն:

ԳՈՒՍՏԱՎ ՏՈՒՐՍ

ԼԱՏՎԻԱԿԱՆ ՍՍՌ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ
ԵԿԵՂԵՑՈՒ ԱՐՔԵՊԻՍԿՈՊՈՍ

ՌԻԳԱ

ԱՆԴՐԿՈՎԿԱՍԻ ՍՈՒՍՈՒԼՄԱՆՆԵՐԻ ԿՈՂՄԻՑ

Անդրկովկասի հավատացյալ մուսուլմանների կողմից բույլ տվե՛ք շնորհավորել Ձեզ և բոլոր հավատացյալ հայերին՝ Քրիստոսի հրաշափառ Հարության տոնի առթիվ: Մաղբում եմք Ձեզ փաշտողություն, երկար տարիների կյանք և մեծ եռանդ՝ ամբողջ աշխարհում ժողովուրդների միջև եղբայրության և բարեկամության ամրապնդման գործում:

ՀԱՔԻՄ ԶԱԴԵ ԴԵԲԻՐՈՎ

ՇԵՅԽ-ՈՒԼ-ԻՍԼԱՄ, ՄՈՒՅԹԻ

ԲԱՔՈՒ

ՆԿԻՐԱՊԵՏԱԿԱՆ ԱԹՈՈՆՆԵՐԻՑ

Ընդունեցե՛ք ամենուս գատկական շնորհավորությունները և սրտագին մաղբանքները Ս. Արոտիդ պայծառացման, Վեհիդ փաշտողության, արեշատության, եկեղեցանվեր ձեռնարկներու հաջողության համար: Թող Ս. Հարության ազատարար ոգին զգաստությամբ խորացնե՛ մարդոց հոգին, Փրկչին իրավ խաղաղությունը հաստատելու երկրի վրա բոլոր ժողովուրդներու բարության համար:

ԳԱՐԵԳԻՆ ԱՐՔԵՊԻՍԿՈՊՈՍ ԽԱԶԱՏՈՒՐՅԱՆ

ՊԱՏՐԻԱՐԲ ԹՈՒՐԲԵՌ ՀԱՅՈՑ

ՍՏԱՄԲՈՒԼ

Զատիկի առթիվ խոնարհ շնորհավորություններ իմ և միաբաններու կողմեն: Հարուցյալ Տիրոջմեն Ձերդ Սրբության համար կխնդրենք ուժ և հաջողություն Ձեր սուրբ գործին մեջ:

ՏԻՐԱՆ ԱՐՔԵՊԻՍԿՈՊՈՍ ՆԵՐՍՈՅԱՆ
ԸՆՏՐՅԱԼ ՊԱՏՐԻԱՐԺ ՀԱՅՈՑ ՆՐՈՒՍԱՂԵՄԻ

ՆՐՈՒՍԱՂԵՄ

Փրկչի հրաշափառ և Սուրբ Հարության տոնի առթիվ, նորին Ս. Օծություն վեհափառ Հայրապետի անունով ստացվեցին նաև բազմաթիվ շնորհավորական հեռագրեր և նամակներ, ամենաջերմ և հարգալիր զգացմունքներով գրված, արտասահմանի և ներքին մեր բոլոր բեմերի բեմակալ առաջնորդներից, բեմական և եկեղեցական խորհուրդներից, հոգևոր հովիվներից, ազգային-եկեղեցական և մշակութային կազմակերպություններից, հայ և օտար պաշտոնական անձնավորություններից:

